


抽 添 法 象



道藏輯要

金液還丹印證圖詩

三

胃集十一

抽添詩曰

一回進火一回陽  
龍虎盤旋射絳房  
陰魄和鉛隨日減  
陽魂與汞逐時昌  
灰心運用常令謹  
煩惱傾危免致殃  
添汞抽鉛全藉  
火除於此外別無方

一回進火一回陽者晝姤夜復之抽添坎水離火之運用也  
龍虎盤旋射絳房者龍精虎髓交通於黃道金鉛木汞會聚  
於絳房玉液瓊漿凝結於泥丸白雪黃芽毓秀於元海也陰  
魄和鉛隨日減陽魂與汞逐時昌者修煉金丹煖氣不可間  
斷如鷄抱子如龍養珠朝採暮收時烹刻煉汞漸添鉛漸減  
陰魄消盡陽魂始堅十月胎圓則成一粒至陽之丹也灰心

運用常令謹煩惱傾危免致殃者修煉之士心欲灰而志欲奮境欲忘而功欲勤精專運用警戒抽添勿使纖毫違謬免致傾危殃咎也添汞抽鉛全藉火除此外別無方者抽鉛添汞之方無過以水火爲之而非世間凡水凡火也乃藉太陰真水太陽真火元始祖氣薰蒸之耳除此日月兩儀之氣晝夜循環周而復始養育聖胎之外再無別項方法可以成丹也須藉日月之氣而又非朝採日精夜採月華也世有以採陰接氣之術爲大道者邪師僞學也以金石草木爲藥物者狂徒妄人也以朝添八兩暮換半斤爲火候者盲人鞭瞎馬無途可適也不可自衒聰明廣記經書資談口辯以誘惑世人可也

道藏輯要

金液還丹印證圖詩

三

胃集十二  
川八